

Īsā^(a.s) Ke Baarah Shaagird

Īnjeel : Mattā 10:1-33

Īsā^(a.s) ne apne baarah shaagirdoñ ko paas bulaayā. Unhone unko naapaak ruhoñ se nijaat aur har tarah kī beemaarī aur takleef se shifā kī taaqat atā karī.⁽¹⁾ Ye un baarah shaagirdoñ ke naam haiñ : Janaab Shamun (jinko log Patras bhī kahte the), janaab Patras ke bhaaī janaab Andriyaas, Zabdī ke beṭe janaab Yaaqub, Yaaqub ke bhaaī janaab Yuhannā,⁽²⁾ janaab Filippus, janaab Baratulmaaī, janaab Thomā, janaab Mattā (jo logoñ se ṭaiks kī wasulī karte the), Halfiyaas ke beṭe janaab Yaaqub, janaab Tadhī,⁽³⁾ janaab Shamun (jo Yahudiyon ke zeloṭ naam ke firqe se the), aur Yahudā Iskariyotī (wo insaan jisne Īsā^(a.s) ko dushmanoñ ke hawaale kar diyā).⁽⁴⁾

[Pahalī baar jab] Īsā^(a.s) ne un baarah logoñ ko baahar bhejā, to unko hidaayat dī aur kahā:

“Ğair-Yahudī logoñ ke yahaan mat jaanā aur n hī us shahar me jaanā jahaan Saamrī log rahte haiñ.⁽⁵⁾ Balki tum sirf un logoñ ke paas jaanā jo raastā bhaṭak gae haiñ.⁽⁶⁾ Tum logoñ ko ye bataao ki ‘Allaah taa’alā kī hukumat qareeb hai.’⁽⁷⁾ Tum beemaaroñ ko shifā denā. Mare hue logoñ ko zindagī denā aur koḍhiyon ko beemaarī se nijaat denā. Jo log gandī ruhoñ ke qabze me haiñ unheñ āzaad karnā. Tumko ye saarī taaqteñ mupht me milī haiñ to tum bhī sabko ye mupht me denā.”⁽⁸⁾

“Tum apne saath n paise le jaanā aur nā hī sonā-chaandī aur taambā.⁽⁹⁾ Tum apne saamaan ke liye koī baig bhī mat le jaanā. Sirf unheñ kapḍoñ aur jutoñ me jaanā jo tum pahne hue ho. Tum apne saath laaṭhī bhī mat rakhnā. Kyuñki ek mazdur haqdaar hai ki uskā ḳḥyaal rakhā jaae.”⁽¹⁰⁾

“Jab tum kisī shahar yā kasbe me jao to wahaan ek laayak bande kī talaash karnā aur us shahar ko ḥoḍne tak usī bande ke yahaan ruknā.⁽¹¹⁾ Jab tum un logoñ ke gharoñ me daaḳḥil honā to unheñ salaamtī kī duā denā.⁽¹²⁾ Agar wo log tumhaarī ḳḥaatirdaarī karte haiñ to salaamtī un par banī rahegī. Lekin agar wo log laayaq naheen haiñ, to ye salaamtī tumhaare paas laṭ āegī.⁽¹³⁾ Jo koī bhī tumheñ qubul nā kare aur tumhaarī baat nā sune to wahaan se rawaanā hote waqt us jagah kī mittī ko apne paioñ se jhaaḍ denā.⁽¹⁴⁾ Main tumheñ ek haqeeqat bataatā huñ: Āḳḥirat me faisle ke dīn us shahar ke logoñ ke saath, Sadum aur amorā^[a] me tabaah hue logoñ se bhī zyaadā burā hogā.”⁽¹⁵⁾

[Īsā^(a.s) ne apne baarah shaagirdoñ ko taaleem dete hue kahā:] “Dekho! Main tum bheḍoñ ko bheḍiyon ke beech me bhej rahā huñ. To tum saamp kī tarah hoshiyaar aur kabutar kī tarah maasum ban kar rahnā.⁽¹⁶⁾ Hoshiyaar rahnā! Kuch log tumheñ pakaḍ kar adaalat me pesh kareñge aur Yahudī log tumheñ ibaadatgaah me koḍe maareñge.⁽¹⁷⁾ Tumko merī wajah se baadshaah aur gawarnar ke saamne le jaayā jaaegā. Wahaan tum unke aur ğair-Yahudiyon ke saamne merī gawaahī pesh karnā.⁽¹⁸⁾ Jab tumko giraftaar kiyā jaae, to is baat kī fikr mat karnā ki tum kyā kahoge aur kaise kahoge. Tumko usī waqt patā chal jaaegā ki kyā bolnā hai.⁽¹⁹⁾ Wo tum naheen bol rahe hoge; balki tumhaare parwardigaar kī taaqat tumhaare aṇdar se kalaam karegī.”⁽²⁰⁾

“Tumhaare bhaaī tumhaare khilaaf baġaawat kareñge aur tumheñ qatl karne ke liye dushmanoñ ke hawaale kar deñge. Baap apne beṭe ko dushmanoñ ke hawaale kar degā. Bacche apne maañ-baap ke ḳḥilaaf ho jaaenge aur unkā qatl hone deñge.⁽²¹⁾ Merī wajah se log tum se nafrat kareñge. Lekin jo āḳḥir tak īmaan par qaayam rahegā wo bachā liyā jaaegā.⁽²²⁾ Jab tumheñ kisī ek shahar me taṅg kiyā jaae to tum dusre shahar me chale jaanā. Main tum ko haqeeqat bataatā huñ: Tum Yahudiyon ke saare shaharoñ tak jā bhī naheen paooge aur Ādmī Kā Beṭā waapas ā jaaegā.”⁽²³⁾

“Shaagird apne ustaad se aur ġulaam apne maalik se kabhī baḍā naheen ho saktā.⁽²⁴⁾ Agar ek shaagird apne ustaad jaisā ban jaae to wo hī kaafī hai. Agar ek ġulaam apne maalik jaisā ban jaae to wo hī bahut hai. Agar log kisī ghar ke sarparast ko “Shaitaanoñ kā baadshaah” kahne lageñ to phir us ghar ke logoñ ke baare me bhī jhuṭī baateñ gaḍhī jaaengeñ.”⁽²⁵⁾

“To islie, in logoñ se zarā bhī n ḍarnā. Har wo kaam jo ḥupā kar karā jaaegā wo āḳḥir me dikhā diyā jaaegā aur jo kuch bhī is waqt ḥupā huā hai uskā raaz āḳḥir me zaahir ho jaayegā.⁽²⁶⁾ Jo baateñ main tumheñ aṇdar bataaun, wo tum logoñ ko baahar roshnī me bataao aur jo baateñ tum apne kaanoñ me suno to unkā ailaan apne gharoñ kī ḥatoñ par ḥaḍh kar karo.”⁽²⁷⁾

“Un logoñ se khauf mat khaanā jo sirf jism ko hī maar sakte haiñ, ruh ko naheen. Tum Allaah taa’alā ke alaawā kisī aur se mat ḍarnā. Allaah rabbul azeem jism aur ruh donoñ ko Dozakh me tabaah kar saktā hai.⁽²⁸⁾ Dekho! Chiḍiyā kā joḍā bahut kam paioñ me biktā hai, lekin usmeñ se ek bhī chiḍiyā binā Allaah taa’alā kī marzī ke naheen mar

saktī.⁽²⁹⁾ Tumhaarā parwardigaar is baat kā bhī ilm rakhtā hai ki tumhaare sar par kitne baal haiñ.⁽³⁰⁾ Isle beḡhauf raho. Tum bahut saarī chīḍiyon se bhī zyaadā qeemtī ho.⁽³¹⁾ Jo bhī logoñ ke saamne merī gawaahī degā, to maiñ apne parwardigaar ke saamne uskī gawaahī duḡā.⁽³²⁾ Lekin jo inṣaan mujhe logoñ ke saamne ṭhukrā degā, to maiñ bhī parwardigaar ke saamne use pahachaanane se inkaar kar duḡā.”⁽³³⁾

[a] Ye wo shahar haiñ ki jahaan ke logoñ ne Lut^(a.s) ke zamaane me Allaah rabbul azeem se baḡaawat karī thī.
(Quraan Majeed : Al-Āraaf 7:80-84)